



## МОНГОЛ УЛСЫН ИХ СУРГУУЛИЙН РЕКТОРЫН ТУШААЛ

2025 оны 06 сарын 01 өдөр

Дугаар A/279

Улаанбаатар хот

### Г Журамд нэмэлт, өөрчлөлт оруулах тухай

Дээд боловсролын тухай хуулийн 18 дугаар зүйлийн 18.1, 30 дугаар зүйлийн 30.1.9, 31 дүгээр зүйлийн 31.1.2 дахь хэсэг, Боловсрол, Шинжлэх Ухааны Сайдын 2024 оны 03 дугаар сарын 20-ны өдрийн "Оюутан элсүүлэх журам батлах тухай" А/143 дугаар тушаал, "Мэргэжлийн чиглэл (хөтөлбөрийн нэр), индекс шинэчлэн батлах тухай" А/146 дугаар тушаал, 2024 оны 12 дугаар сарын 05-ны өдрийн "Босго оноо тогтоох тухай" А/228 дугаар тушаал, 2024 оны 05 дугаар сарын 03-ны өдрийн "Тэргүүлэх болон эрэлттэй мэргэжлийн чиглэлийн хөтөлберөөр оюутан элсүүлэхэд зохицуулалт хийх тухай" А/211 дүгээр тушаал, МУИС-ийн Дүрмийн 5.4.1, 5.4.8.9 дэх хэсэг, "МУИС-ийн сургалтын үйл ажиллагааны журам"-ын 4.2.2, 4.2.3 дахь хэсгийг тус тус үндэслэн ТУШААХ нь:

1. МУИС-ийн ректорын 2025 оны 03 дугаар сарын 26-ны өдрийн "Бакалаврын өдрийн хөтөлбөрт 2025-2026 оны хичээлийн жилийн намрын улиралд оюутан элсүүлэх журам батлах тухай" А/144 дүгээр тушаалын хавсралтад 051102 индекстэй "Микробиологи", 032102 индекстэй "Олон нийтийн харилцаа, мэдээлэл", 022203 индекстэй "Олон улс, орон судлал (Польш)", 061902 индекстэй "Хиймэл оюун ухаан", Зүүн бүсийн сургууль болон Шинжлэх Ухаан Технологийн их сургуультай хамтарсан 071303 индекстэй "Дулааны цахилгаан станцын инженерчлэл" хөтөлбөрүүдийг тус тус нэмсүгэй.


2. Бакалаврын өдрийн хөтөлбөрт 2025-2026 оны хичээлийн жилийн намрын улиралд оюутан элсүүлэх журмын хавсралтаас Байгалийн ухааны салбар дахь "Биологийн нөөц судлал", Хүмүүнлэгийн ухааны салбар дахь "Гадаад хэлний орчуулга (Франц)", "Хэл шинжлэл (Герман)", Завхан аймаг дахь Бизнес, мэдээллийн технологийн сургууль дахь "Худалдаа", Баруун бүсийн сургууль дахь "Архитектор", "Бизнесийн удирдлага", "Гадаад хэлний орчуулга (Англи)", "Нийтийн удирдлага", "Ойн аж ахуй", "Үндэсний язгуур урлаг", "Багш, газарзүйн боловсрол" Зүүн бүсийн сургууль дахь "Багш, дизайн технологийн боловсрол", "Багш, дүрслэх урлагийн боловсрол" хөтөлбөрүүдийг тус тус хассугай.

3. Тушаал гарсантай холбогдуулан элсэлтийн бодлого, журам сурталчлан таниулах ажлыг зохион байгуулахыг Сургалт, оюутны хөгжил эрхэлсэн проректор (Д.Заяабаатар), Сургалт, хөтөлбөр чанарын баталгаажуулалтын газрын дарга (С.Булгантамир), Цахим шилжилтийн газрын дарга (А.Баатарбилэг) нарт үүрэг болгосугай.

4. Журмын дагуу элсэлтийн үйл ажиллагаа зохион байгуулахыг Сургалт,

оюутны хөгжил эрхэлсэн проректор (Д.Заяабаатар), Сургалт, хөтөлбөр чанарын баталгаажуулалтын газрын дарга (С.Булгантамир), Цахим шилжилтийн газрын дарга (А.Баатарбилэг), элсэлтийн комиссын гишүүдэд тус тус даалгасугай.

5. Элсэлтийн үйл ажиллагааны явц, үр дүн, журмын хэрэгжилтэд хяналт тавьж ажиллахыг Сургалт, оюутны хөгжил эрхэлсэн проректор (Д.Заяабаатар)-т үүрэг болгосугай.





МОНГОЛ УЛСЫН ИХ СУРГУУЛИЙН  
РЕКТОРЫН ТУШААЛ

2025 оны 03 сарын 26 өдөр

Дугаар A/144

Улаанбаатар хот

Г Бакалаврын өдрийн хөтөлбөрт  
2025-2026 оны хичээлийн жилийн намрын  
улиралд оюутан элсүүлэх журам батлах тухай


Дээд боловсролын тухай хуулийн 18 дугаар зүйлийн 18.1 дэх хэсэг, Боловсрол, Шинжлэх Ухааны Сайдын 2024 оны 03 дугаар сарын 20-ны өдрийн А/143 тоот тушаалаар батлагдсан "Оюутан элсүүлэх журам", 2024 оны 12 дугаар сарын 05-ны өдрийн "Босго оноо тогтоох тухай" А/228 дугаар тушаал, 2024 оны 05 дугаар сарын 03-ны өдрийн "Тэргүүлэх болон эрэлттэй мэргэжлийн чиглэлийн хөтөлбэрөөр оюутан элсүүлэхэд зохицуулалт хийх тухай" А/211 дугаар тушаал, МУИС-ийн дурмийн 5.4.1, 5.4.8.9 дэх заалт, "МУИС-ийн сургалтын үйл ажиллагааны журам"-ын 4.2.2 дахь заалт, МУИС-ийн ректорын зөвлөлийн 2025 оны 03 дүгээр сарын 18-ны өдрийн хуралдааны тэмдэглэл, шийдвэрийг тус тус үндэслэн ТУШААХ нь:

1. "Монгол Улсын их сургуулийн бакалаврын өдрийн хөтөлбөрт 2025-2026 оны хичээлийн жилийн намрын улиралд оюутан элсүүлэх журам"-ыг хавсралтаар баталсугай.

2. Тушаал гарсантай холбогдуулан элсэлтийн бодлого, журам сурталчлан таниулах ажлыг зохион байгуулахыг Сургалт, хөтөлбөр чанарын баталгаажуулалтын газрын дарга (С.Булгантамир), Цахим шилжилтийн газрын дарга (А.Баатарбилэг) нарт үүрэг болгосугай.

3. Журмын дагуу элсэлтийн үйл ажиллагаа зохион байгуулахыг Сургалт, оюутны хөгжил эрхэлсэн проректор (Д.Заяабаатар), Сургалт, хөтөлбөр чанарын баталгаажуулалтын газрын дарга (С.Булгантамир), Цахим шилжилтийн газрын дарга (А.Баатарбилэг), элсэлтийн комиссын гишүүдэд тус тус даалгасугай.

4. Элсэлтийн үйл ажиллагааны явц, үр дүн, журмын хэрэгжилтэд хяналт тавьж ажиллахыг Сургалт, оюутны хөгжил эрхэлсэн проректор (Д.Заяабаатар)-д үүрэг болгосугай.



D: tushaal\_2025  
1425961178

Ректорын 2025 оны 03 дугаар сарын 26-ны  
өдрийн 11/11 дугаар тушаалын хавсралт

МОНГОЛ УЛСЫН ИХ СУРГУУЛИЙН БАКАЛАВРЫН ӨДРИЙН  
ХӨТӨЛБӨРТ 2025-2026 ОНЫ ХИЧЭЭЛИЙН ЖИЛИЙН  
НАМРЫН УЛИРАЛД ОЮУТАН ЭЛСҮҮЛЭХ ЖУРАМ

ATA13089 9104399  
9024080427

Нэг. Ерөнхий зүйл

- 1.1 Монгол Улсын Их Сургууль (цаашид МУИС гэнэ)-ийн бакалаврын өдрийн хөтөлбөрт 2025-2026 оны хичээлийн жилийн намрын улиралд оюутан элсүүлэхэд Монгол Улсын "Дээд боловсролын тухай хууль", Боловсрол, шинжлэх ухааны сайдын 2024 оны 03 дугаар сарын 20-ны өдрийн А/143 тоот тушаалаар батлагдсан "Оюутан элсүүлэх журам", 2024 оны 12 дугаар сарын 05-ны өдрийн "Босго оноо тогтоох тухай" А/228 дугаар тушаал, бусад холбогдох эрх зүйн акт болон энэхүү журам (цаашид журам гэнэ)-ыг баримтална.
- 1.2 МУИС-ийн бакалаврын өдрийн хөтөлбөрт элсэхээр хүсэлт гаргасан иргэнийг "бүртгүүлэгч", элсүүлэх оюутны тоог "хяналтын тоо", хяналтын тоонд багтан элсэх эрхээ баталгаажуулсан бүртгүүлэгчийг "элсэгч", элсэлтийн цахим бүртгэлийн системийг "элсэлтийн систем", элсэлтийн үйл ажиллагааг зохион байгуулахаар томилогдсон ажлын хэсгийг "элсэлтийн комисс" гэнэ.
- 1.3 МУИС-ийн бакалаврын өдрийн хөтөлбөрт Улаанбаатар хот болон орон нутгаас элсүүлэх элсэгчийн хяналтын тоог МУИС-ийн удирдах зөвлөл тогтооно.
- 1.4 Элсэлтийн журам, бүрэлдэхүүн/салбар сургуульд элсэх Элсэлтийн Шалгалт (ЭШ)-ын босго оноо болон холбогдох бусад мэдээллийг <https://burtgel.num.edu.mn> элсэлтийн системд байршуулна.
- 1.5 МУИС-д гадаадын харьят иргэнийг элсүүлэх асуудлыг "МУИС-д гадаадын иргэнийг суралцуулах журам"-аар зохицуулна.

Хоёр. Элсэлтийн комисс

- 2.1 МУИС-ийн ректорын тушаалаар МУИС-ийн элсэлтийн комиссыг томилно.
- 2.2 Элсэлтийн комиссын дарга элсэлтийг зохион байгуулах ажлыг удирдлагаар хангаж ажиллах бөгөөд журмаар зохицуулаагүй асуудлыг бүрэлдэхүүн/салбар сургуулийн саналыг үндэслэн комиссын хурлаар хэлэлцэж, шийдвэрлэнэ.
- 2.3 Бүртгэлийн хугацаа дууссаны дараа хяналтын тоо үлдсэн тохиолдолд элсэлтийн комисс нөхөн элсэлтийг цахимаар зохион байгуулж болно.

Гурав. Бүртгүүлэгчдэд тавих шаардлага

- 3.1 МУИС-д элсэхийг хүссэн иргэд энэхүү журамтай танилцаж, элсэлтийн системд бүртгүүлнэ.
- 3.2 Элсэлтийг нийслэл ба орон нутаг гэсэн хоёр бүсээр зохион байгуулна. Бүртгүүлэгч нь Боловсролын үнэлгээний төв (БҮТ)-өөс зохион байгуулдаг элсэлтийн шалгалт (ЭШ) өгсөн газрын харьялагдах бүсэд өрсөлдөнө.

- 3.3 Ур чадварын шалгалттай хөтөлбөрийг сонгосон бүртгүүлэгч ур чадварын шалгалт өгнө.
- 3.4 Бүртгүүлэгч нь МУИС-ийн Шинжлэх ухааны сургууль (ШУС), Мэдээллийн технологи, электроникийн сургууль (МТЭС), Инженер, технологийн сургууль (ИТС), Бизнесийн сургууль (БС), Хууль зүйн сургууль (ХЗС), Улс төр судлал, олон улсын харилцаа, нийтийн удирдлагын сургууль (УТСОУХНУС), Завхан аймаг дахь МУИС-ийн Бизнес, мэдээллийн технологийн сургууль (ЗАдБМТС), МУИС-ийн Баруун бүсийн сургууль (ББС), МУИС-ийн Зүүн бүсийн сургууль (ЗБС)-ийн хөтөлбөрөөс сонгож бүртгүүлнэ. ШУС-д бүртгүүлэгч нь Байгалийн ухаан, Нийгмийн ухаан, Хүмүүнлэгийн ухааны салбарын хөтөлбөрөөс сонгоно.
- 3.5 Бүртгүүлэгч өөрийн хүсэлтээр бүрэлдэхүүн/салбар сургуулийн хэд хэдэн хөтөлбөрт бүртгүүлж болно.
- 3.6 Бүртгүүлэгч нь БҮТ-ийн хүчинтэй батламжтай, эсвэл 2025 онд ЭШ өгөхөөр БҮТ-д бүртгүүлсэн байна. Бүртгүүлэгч нь МУИС-ийн оюутан бол бүртгүүлэх боломжгүй.
- 3.7 Гадаад оронд өрөнхий боловсрол эзэмшсэн Монгол улсын иргэн БШУЯ-ны сайдын 2021 оны 10 дугаар сарын 06-ны А/347 тоот тушаалаар баталсан "Олон улсын шалгалтын үнэлгээг Монгол Улсын элсэлтийн өрөнхий шалгалтын үнэлгээтэй дүйцүүлэн тооцох журам"-ыг баримтална.

#### Дөрөв. Элсэх хүсэлт гаргах

- 4.1 Орон даяар МУИС-д элсэхийг хүссэн иргэд, цахим хэлбэрээр <https://burtgel.num.edu.mn> системийн бакалаврын өдрийн элсэлт хэсэгт бүртгүүлнэ.
- 4.2 Бүртгэлийг 2025 оны 06 дугаар сарын 03-ны өдрийн 09:00 цагт нээж, 2025 оны 06 дугаар сарын 23-ны өдрийн 12:00 цагт хаана.
- 4.3 Бүртгүүлэгч нь БҮТ-ийн системд бүртгүүлсэн бүртгэлийн дугаар, нууц үгээ ашиглан элсэлтийн системд нэвтрэнэ. Өмнө нь хэд хэдэн удаа ЭШ өгсөн бол сүүлийн бүртгэлийн дугаараар хүсэлт гаргаж бүртгүүлнэ. Системд шаардлагатай мэдээллээ үнэн зөв оруулж баталгаажуулна.
- 4.4 Бүртгүүлэгч нь элсэлтийн системд оруулсан мэдээллийн үнэн зөв байдлыг өөрөө хариуцах бөгөөд алдаатай, буруу мэдээлэл оруулснаас үүсэх асуудлыг МУИС хариуцахгүй.
- 4.5 Элсэлтийн системд нэвтрэх эрхтэй болсны дараа элсэх хүсэлт гаргах бүрэлдэхүүн/салбар сургуулийн хөтөлбөр (тус журмын Хүснэгт 1-ээс үзэх)-өөс сонгож, бүртгэлийн хураамжийг цахим хэлбэрээр төлж баталгаажуулна. (Төлбөр төлөх тухай дэлгэрэнгүй зөвлөмжийг элсэлтийн системээс үзнэ үү).
- 4.6 Бүртгэлийн хураамжийг нэг удаа төлж, бүрэлдэхүүн/салбар сургуулийн хэд хэдэн хөтөлбөрт бүртгүүлэх боломжтой. Бүртгэлийн хураамжийг МУИС-ийн Удирдах зөвлөлөөс баталсан "Үйлчилгээний бусад хураамжийн хэмжээ"-д заасны дагуу авна. Бүртгэлийн хураамжийг буцааж олгохгүй.

#### Тав. Элсэгчийг шалгаруулах

- 5.1 Бүртгүүлэгчийн ЭШ-ын дүн болон бусад мэдээллийг БҮТ-өөс элсэлтийн системд татан авч, холбогдох тооцооллыг хийж, онооны жагсаалтыг

бүрэлдэхүүн/салбар сургуулийн хөтөлбөр бүрээр элсэлтийн бүртгэл хааснаас 1 өдрийн дараа гаргана.

- 5.2 Улаанбаатар хот дахь МУИС-ийн бүрэлдэхүүн сургуулийн хувьд "Суурь" болон "Дагалдах" шалгалтын оноо тус бүр 490, орон нутгийн салбар сургуулийн хувьд 430 онооноос багагүй байна. Суурь шалгалтад тооцуулсан хичээлийн оноог дагалдах шалгалтад давхар тооцохгүй.
- 5.3 Бүртгүүлэгчийн оноог дараах байдлаар тооцно. "Суурь" шалгалтад тооцохоор заасан хичээлээс хамгийн өндөр оноо авсан шалгалтын оноог 0.7, "Дагалдах" шалгалтад тооцохоор заасан хичээлээс хамгийн өндөр оноо авсан шалгалтын оноог 0.3-аар үржүүлж, нэмсэн нийлбэрээр тооцоолсон оноог бодно. Бүрэлдэхүүн/салбар сургуулийн хөтөлбөр, хамтарсан хөтөлбөрийн тооцоолсон онооны босгыг тус журмын Хүснэгт 1-д заасныг баримтална.
- 5.4 Тооцоолсон оноо тэнцсэн тохиолдолд ЭШ-ын гүйцэтгэлийн хувийг тооцон байр эзлүүлж, элсэх эрх олгох бөгөөд гүйцэтгэлийн хувь тэнцвэл боловсролын гэрчилгээний дундаж оноо, суурь хичээлийн оноо, суурь хичээлийн гүйцэтгэл, монгол хэл бичгийн оноо, монгол хэл бичгийн гүйцэтгэл, ЭШ дундаж оноог харгалзана. ЭШ-ын гүйцэтгэлийн хувийг тооцоходоо энэ журмын 5.3-т заасан аргачлалын дагуу тооцно.
- 5.5 Үр чадварын шалгалт бүхий хөтөлбөрийн хувьд үр чадварын шалгалтыг тухайн Үр чадварын шалгалтын удирдамж /Хавсралт/-ийн дагуу бүрэлдэхүүн/салбар сургууль дээр зохион байгуулна. Үр чадварын шалгалтыг 100 хүртэл оноогоор үнэлнэ. Үг оноог хэмжээст оноонд дараах байдлаар харгалзуулна.

№	Шалгалтын оноо /Анхны оноо-А/	Хэмжээст оноо
1	95-100	760-800
2	90-94.9	720-759
3	85-89.9	680-719
4	80-84.9	640-679
5	75-79.9	600-639
6	70-74.9	560-599
7	65-69.9	520-559
8	60-64.9	490-519
9	0-59	200-489

- 5.6 Үр чадварын шалгалтын хэмжээст оноог дагалдах шалгалтын оноогоор тооцно. Шалгуулагчийн анхны оноо 0-ээс 59-ийн хооронд бол  $X=200+A*4.66$  Хэрэв шалгуулагчийн анхны оноо 60-аас 100-ын хооронд бол  $X=490+(A-60)*8$  гэсэн томьёогоор олно. 60 буюу 490 болон түүнээс дээш оноо авсан тохиолдолд тухайн үр чадварын шалгалтад тэнцсэн гэж үзнэ.
- 5.7 Бүртгүүлэгч нь сүүлийн 2 жилийн дотор дараах шаардлагыг хангаж байвал шилдэг элсэгч гэж үзэж, албан ёсны эрх бүхий байгууллагаас олгосон батламж, сертификат, баримт бичигт үндэслэн хяналтын тоонд багтаан элсүүлнэ. Үүнд:
- 5.7.1 БШУЯ-наас тогтоосон Олон улсын олимпиадад оролцож 1-ээс 3-р байр эзэлсэн, Улсын олимпиадад оролцож энэ журмын Хүснэгт 2-т

- заасан нөхцөлийг хангасан ерөнхий боловсролын сургуулийн төгсөгчийг тухайн чиглэлээр шууд элсүүлнэ.
- 5.7.2 Англи хэлний олон улсын шалгалтын IELTS 5, TOEFL iBT 45, PTE 40.8-аас дээш оноотой бүртгүүлэгчдийг гүйцэтгэлийн хувиар жагсааж, эхний 10 байр эзэлсэн бүртгүүлэгчийг ШУС-ийн Хүмүүнлэгийн үхааны салбарт шууд элсүүлнэ.
- 5.7.3 Кембрижийн олон улсын AS (A) түвшний шалгалтын b (B)-ээс дээш, IB (international baccalaureate) хөтөлбөрийн 4-өөс дээш үнэлгээтэй бүртгүүлэгчдийг сургууль бүрд суурь шалгалтад тооцохоор заасан хичээлээр нь онооны дарааллаар жагсаан, эхний 3 байр эзэлсэн бүртгүүлэгчийг шууд элсүүлнэ.
- 5.7.4 Комиссын зүгээс спортын өндөр ур чадвартай 10 хүртэлх бүртгүүлэгчийг шалгаруулахдаа мэргэжлийн тэнхимийн багш нарын саналыг үндэслэж, гэрээ байгуулж БС (хяналтын тоо-2), МТЭС (хяналтын тоо-2), ШУС, ИТС, ББС, ЗБС, ЗАдБМТС-д элсүүлж болно (Олимп, тив, дэлхийн тэмцээнээс медальт болон шагналт байранд шалгарсан, улсын өсвөр үеийн, улсын идэрчүүдийн аварга шалгаруулах тэмцээнд медальт байранд шалгарсан бүртгүүлэгчдийг гаргасан амжилтаар нь эрэмбэлж сонгуулна).
- 5.8 Шилдэг элсэгч нь тухайн бүрэлдэхүүн/салбар сургуулийн суурь болон дагалдах шалгалтад тооцохоор заасан хичээлүүдээс ЭШ өгсөн байх ба МУИС-аас тавих ЭШ-ын босго оноог хангасан байна.
- 5.9 МУИС-ийн харьяа ерөнхий боловсролын ахлах сургуулийн төгсөгчийг тухайн бүрэлдэхүүн сургуулийн суурь болон дагалдах шалгалтад тооцохоор заасан хичээлүүдээс ЭШ өгч, тухайн хөтөлбөрийн тооцоолсон босго оноог хангасан бол ШУС, ИТС-ийн хөтөлбөрүүдэд шууд элсүүлнэ. МТЭС-д элсэх нөхцөлд ЭШ-ын тооцоолсон босго оноо 550 ба түүнээс дээш байна. МУИС-ийн орон нутгийн ерөнхий боловсролын ахлах сургуулийн төгсөгчийг орон нутгийн салбар сургуулийн суурь болон дагалдах шалгалтад тооцохоор заасан хичээлүүдээс ЭШ өгч, БШУЯ-наас баталсан их, дээд сургуульд элсэгчдийн хангасан байх босго онооноос багагүй бол ББС, ЗБС, ЗАдБМТС-ийн сонгосон хөтөлбөрт шууд элсүүлнэ.
- 5.10 5.7.1-5.7.4, 5.9 дэх нөхцөлийг хангасан бүртгүүлэгч “Олимпиад”, “Англи хэлний олон улсын шалгалт”, “Кембриж, IB-ийн олон улсын шалгалт”, “Спортын ур чадвар”, “Байгаль-Эх лицей ахлах сургууль” гэсэн ангиллаас сонгон бүртгүүлж, энэ журмын 4.5-д заасан бүртгэлийн хураамж төлж, тухайн нөхцөл хангасныг гэрчлэх бичиг баримтын хуулбарыг, өргөдлийн хамт бүртгэлийн хугацаа хаахаас 7 хоногийн өмнө (06 дугаар сарын 16-ны өдрийн 17:30 минут) Сургалт, хөтөлбөр чанарын баталгаажуулалтын газрын [elselt@num.edu.mn](mailto:elselt@num.edu.mn) цахим шуудан руу илгээж бүртгүүлнэ.

#### Зургаа. Элсэх эрх олгох

- 6.1 Орон даяар элсэх эрх олгох үйл ажиллагааг цахим хэлбэрээр <https://burtgel.num.edu.mn> системээр явуулна.
- 6.2 Бүртгүүлэгч хяналтын тоонд багтсан эсэхээ онооны жагсаалт гарсны дараа элсэлтийн системд нэвтэрч шалгана.

- 6.3 Шилдэг элсэгч ангиллын шалгаруулалтад тэнцэн болон лицей ахлах сургуулийг төгссөн бүртгүүлэгч нь заасан хугацаанд элсэн суралцах бүрэлдэхүүн/салбар сургуулийн ерөнхий суурь хичээлийн 1 багц цагийн төлбөрийг төлж элсэх эрхээ баталгаажуулна.
- 6.4 Элсэх эрх олгох үйл ажиллагааг 2025 оны 06 дугаар сарын 24-ний өдрийн 12:00 цагт эхлүүлж, 2025 оны 07 дугаар сарын 04-ний өдрийн 12:00 цагт дуусгана.
- 6.5 Хэд хэдэн бүрэлдэхүүн/салбар сургуулийн хөтөлбөрийн хяналтын тоонд багтсан элсэгч нь зөвхөн нэг бүрэлдэхүүн/салбар сургуулийн нэг хөтөлбөр сонгоно. Сонгомогц бусад бүрэлдэхүүн/салбар сургуулийн хяналтын тооны жагсаалтаас бүртгүүлэгчийн нэрийг хасаж, босго шугамыг нэгээр доошилуулна. Босго шугам доошилсны дүнд хяналтын тоонд багтсан дараагийн бүртгүүлэгчид элсэх эрх үснэ.
- 6.6 Бүртгүүлэгч хяналтын тоонд багтаж элсэх эрхтэй болсноос хойш 1 (нэг цагийн дотор элсэх эрхээ баталгаажуулна. Энэ хугацаанд баталгаажуулаагүй тохиолдолд МУИС-д элсэхээс татгалзсан гэж үзэж, жагсаалтад байгаа дараагийн бүртгүүлэгчдэд элсэх эрхийг шилжүүлнэ.
- 6.7 Хяналтын тоонд багтсан бүртгүүлэгч журмын 6.6-д заасан хугацаанд элсэлтийн системд нэвтэрч, элсэн суралцах бүрэлдэхүүн/салбар сургуулийн ерөнхий суурь хичээлийн 1 багц цагийн төлбөрийг төлж, элсэх эрхээ баталгаажуулна.
- 6.8 Элсэх эрхээ баталгаажуулсан төлбөрийг суралцагчийн сургалтын төлбөрт оруулан тооцно. Элсэх эрхээ цуцлах тохиолдолд төлбөрийг буцаан олгохгүй.

ATA13089 9104399  
9024080427

#### Долоо. Элсэгчийг бүртгэх

- 7.1 Элсэгч нь 2025 оны 08 дугаар сарын 08-ны 15:00 цаг хүртэл <https://burtgel.num.edu.mn> системийн бакалаврын өдрийн элсэлт хэсэгт нэвтэрч маягт бөглөж, “МУИС-д суралцагч суралцуулах гэрээ”-г зөвшөөрсөн эсэхээ баталгаажуулж, цахим хэлбэрээр бүртгүүлж, оюутан болох хүсэлт илгээн, оюутны хувийн дугаар, нууц үг авна.
- 7.2 Энэ журмын 7.1-д заасан хугацаанд оюутан болж бүртгүүлээгүй тохиолдолд МУИС-д элсэхээс татгалзсан гэж үзнэ.

#### Найм. Элсэгчдэд олгох хөнгөлөлт, тэтгэлэг

- 8.1 БШУЯ-наас тогтоосон Олон улсын болон улсын олимпиадад оролцож 1-ээс 3-р байрт шалгарсан элсэгчийн сургалтын төлбөрийн 50-100 хувийн хөнгөлөлт үзүүлнэ. Үүнд:
- 8.1.1 Олон улсын олимпиадад оролцож 1-ээс 3-р байр эзэлсэн элсэгчид 100 хувь;
- 8.1.2 Улсын олимпиадад оролцож 1-р байрт шалгарсан элсэгчид 100 хувь;
- 8.1.3 Улсын олимпиадад оролцож 2-р байрт шалгарсан элсэгчид 75 хувь;
- 8.1.4 Улсын олимпиадад оролцож 3-р байрт шалгарсан элсэгчид 50 хувь;
- 8.2 МУ-ын Засгийн газрын 2024 оны 03 дугаар сарын 06-ны өдрийн 103 дугаар тогтоол “Багш, багш мэргэжлээр суралцагч болон багш, ажилтны хүүхдийг тэргүүлэх, эрэлттэй мэргэжлээр суралцахад төрөөс дэмжлэг үзүүлэх

- журам"-ын 2.1-2.7 дах заалтын тавигдах шаардлагыг хангасан бол төрөөс төлбөрийг бүрэн санхүүжүүлнэ.
- 8.3 Монголын сайхан бичигтэн уралдаанаас шалгарсан, суралцах эрх (ШУС-ийн Хүмүүнлэгийн ухааны салбарын хөтөлбөрүүдээс сонгоно) авсан элсэгчийн суралцах хугацааны сургалтын төлбөрийг Засгийн газрын буцалтгүй тэтгэлгээр 100 хувь олгоно.
- 8.4 Орон нутгийн салбар сургуулиуд бие даасан тэтгэлэг **Хөнгөлөлтийн** нөхцөлтэй байж болно.
- 8.5 Элсэгчдэд олгох тэтгэлгийг эхний хичээлийн жилийн сургалтын төлбөрт багтааж “МУИС-д суралцагчдад тэтгэлэг олгох журам”-аар зохицуулна.

ATA13089 9104399  
0024080427

- Ес. ЭШ-ын оноо шаардахгүйгээр бакалаврын өдрийн хөтөлбөрт элсүүлэх
- 9.1 Боловсрол, шинжлэх ухааны сайдын 2024 оны 03 дугаар сарын 20-ны А/143 дугаар тушаалаар баталсан "Оюутан элсүүлэх журам"-ын 2.4 дэх заалтын шалгуурыг хангасан иргэнээс ЭШ-ын оноо шаардахгүй элсүүлнэ.
- 9.2 Журмын 9.1-д заасан иргэн <https://burtgel.num.edu.mn> бүртгэлийн нэгдсэн систем хэсэгт бүртгүүлнэ. Бүртгэлийг 2025 оны 05 дугаар сарын 01-ний өдрийн 09:00 цагт нээж, 2025 оны 06 дугаар сарын 03-ны өдрийн 12:00 цагт хаана.
- 9.3 Бүртгүүлэгч нь тус журмын хүснэгт 1-т заасан бакалаврын үндсэн мэргэжлийн хөтөлбөрийн жагсаалтаас сонгон бүртгүүлнэ.
- 9.4 Бүртгүүлэгч нь элсэлтийн системд шаардлагатай мэдээллийг оруулж, элсэх хүсэлтээ гаргаж, бүртгэлийн хураамжийг төлнө.
- 9.5 Бүртгүүлэхдээ элсэлтийн систем дэх анкетыг бөглөж, дараах бичиг баримтыг цахим хэлбэрээр хавсаргана. Үүнд:
- Иргэний үнэмлэх эсвэл түүнтэй адилтгах баримт бичиг (гадаад паспорт)
  - Өмнө нь эзэмшсэн боловсролын диплом, хавсралтын хамт (Гадаад хэлээр бол Монгол хэл рүү орчуулан нотариатаар гэрчлүүлсэн байна)
  - Цээж зураг (Сүүлийн 3 сард авхуулсан, 3x4 хэмжээтэй)
- 9.6 Улаанбаатар хотоос хөтөлбөр бүрд элсүүлэх хяналтын тооны 10 хүртэлх хувьд ЭШ-гүйгээр элсүүлнэ. ШУС-ийн Байгалийн ухааны салбар, Хүмүүнлэгийн ухааны салбарын хөтөлбөрүүд, ИТС-ийн “Ойн аж ахуй” хөтөлбөр ба Орон нутгийн салбар сургуулиудад хөтөлбөрт элсэх хяналтын тоо заахгүй.
- 9.7 Элсэлтийн комисс нь бүртгүүлэгчийн тоо хяналтын тооноос хэтэрсэн тохиолдолд харьялагдах тэнхимтэй хамтарч шалгалт зохион байгуулж шалгаруулна.
- 9.8 Элсэх эрх олгох үйл ажиллагааг 2025 оны 06 дугаар сарын 18-ны дотор зохион байгуулна.
- 9.9 Хяналтын тоонд багтсан бүртгүүлэгч бүрэлдэхүүн/салбар сургуулийн ерөнхий суурь хөтөлбөрийн 1 багц цагийн төлбөрийг төлж элсэх эрхээ баталгаажуулна. Элсэх эрхээ цуцлах тохиолдолд төлбөрийг буцаан олгохгүй.
- 9.10 Элсэгч нь 2025 оны 06 дугаар сарын 23-ны өдрийн 15:00 цаг хүртэл <https://burtgel.num.edu.mn> бүртгэлийн нэгдсэн системээр нэвтэрч “МУИС-д суралцагч суралцуулах гэрээ”-г зөвшөөрсөн эсэхээ

баталгаажуулж, цахим хэлбэрээр бүртгүүлж, оюутан болох хүсэлт илгээж, оюутны хувийн дугаар, нууц үг авна. Бүртгүүлээгүй тохиолдолд элсэх эрхээсээ татгалзсан гэж үзнэ.

9.11 Хичээл дүйцүүлэхтэй холбоотой асуудлыг “МУИС-д хичээл дүйцүүлэх журам”-аар зохицуулна.

АРАВ. Бусад

ATA13089 9104399  
9024080427

- 10.1 Орон нутгийн салбар сургуулийн элсэлтийг нэмэлтээр уламжлалт хэлбэрээр 2025 оны 8 дугаар сарын 20 хүртэл зохион байгуулж болно.
- 10.2 Бүртгэлийн хураамжийг илүү төлсөн, элсэх эрхээ баталгаажуулаагүй бүртгүүлэгчийн бичгээр гаргасан хүсэлтийг үндэслэн илүү төлсөн бүртгэлийн хураамж, баталгаажуулах төлбөрийг буцааж олгоно. Бүртгүүлэгч төлбөр буцаан авах хүсэлтээ 8 дугаар сарын 31-ний дотор гаргана. Энэ хугацаанаас хойш төлбөр буцаах хүсэлт хүлээж авахгүй.
- 10.3 Бүртгүүлэгч нь энэхүү элсэлтийн журамтай биөчлэн танилцсан байх үүрэгтэй.
- 10.4 Элсэлтийн үйл ажиллагаатай холбоотой гомдол маргааныг элсэлтийн комисс шийдвэрлэнэ.
- 10.5 МУИС-ийн 2025-2026 оны хичээлийн жилийн бакалаврын өдрийн хөтөлбөрийн элсэлтийг мэргэжлийн хөтөлбөрөөр авч байгаа нь БС-ын 2024 оны 12 дугаар сарын 05-ны өдрийн “Босго оноо тогтоох тухай” А/228 дугаар тушаалыг хэрэгжүүлж байгаа хэрэг бөгөөд энэ нь МУИС-д уламжлал болон тогтоод байгаа либерал арт сургалтын үйл ажиллагаанд нөлөөлөхгүй болно.

Ректорын 2025 оны 12 дугаар сарын 12 -ны  
өдрийн 12 дугаар тушаалын хавсралт



Хүснэгт 1

**БҮРЭЛДЭХҮҮН/САЛБАР СУРГУУЛИЙН МЭРГЭЖЛИЙН ХӨТӨЛБӨР,  
ХАРГАЛЗАХ СУУРЬ БОЛОН ДАГАЛДАХ ШАЛГАЛТЫН ЖАГСААЛТ**

№	БАКАЛАВРЫН ҮНДСЭН ХӨТӨЛБӨР /121 багц цаг (ХЗС-ийн хувьд 151 багц цаг)/	ЭЛСЭЛТИЙН ШАЛГАЛТ		ТООЦООЛ- СОН ОНООНЫ БОСГО
		“СУУРЬ” шалгалт (70%)	“ДАГАЛДАХ” шалгалт (30%)	
<b>ШИНЖЛЭХ УХААНЫ СУРГУУЛИЙН БАЙГАЛИЙН УХААНЫ САЛБАР</b>				
1.	1. Багш, математикийн боловсрол**	· Математик · Физик	· Ур чадварын шалгалт	490
2.	2. Багш, химийн боловсрол**	· Хими · Математик	· Ур чадварын шалгалт	
3.	3. Багш, биологийн боловсрол**	· Биологи · Хими	· Ур чадварын шалгалт	
4.	4. Багш, физикийн боловсрол**	· Физик · Математик	· Ур чадварын шалгалт	
5.	5. Багш, газарзүйн боловсрол**	· Газарзүй · Нийгэм судлал	· Ур чадварын шалгалт	
6.	6. Биологи*	· Биологи · Математик	· Хими · Англи хэл	
7.	7. Биохими	· Биологи · Математик	· Хими · Англи хэл	
8.	8. Биотехнологи*	· Биологи · Математик	· Хими · Англи хэл	
9.	9. Экологи	· Биологи · Математик	· Хими · Нийгэм судлал	
10.	10. Хими*	· Хими · Математик	· Биологи · Англи хэл	
11.	11. Хэрэглээний хими	· Хими · Математик	· Биологи · Англи хэл	
12.	12. Газар зүй*	· Газарзүй · Математик	· Физик · Англи хэл	
13.	13. Геологи*	· Математик · Физик	· Газарзүй · Англи хэл	
14.	14. Геофизик	· Математик · Физик	· Газарзүй · Англи хэл	
15.	15. Байгаль орчны зайнаас тандан судлал	· Математик · Физик	· Газарзүй · Нийгэм судлал	
16.	16. Цаг уур судлал	· Математик · Физик	· Газарзүй · Нийгэм судлал	
17.	17. Ус судлал	· Математик · Физик	· Газарзүй · Нийгэм судлал	
18.	18. Физик*	· Математик · Физик	· Нийгэм судлал · Англи хэл	
19.	19. Математик*	· Математик · Физик	· Нийгэм судлал · Англи хэл	
20.	20. Физик электроник	· Математик · Физик	· Нийгэм судлал · Англи хэл	
21.	21. Газар зохион байгуулалт	· Математик · Газар зүй	· Англи хэл · Физик	

22.	22. Хот ба бус нутгийн төлөвлөлт*	· Математик · Физик	· Газарзүй · Англи хэл
23.	23. Аялал жуулчлал**	· Газар зүй · Математик	· Нийгэм судлал · Англи хэл
24.	24. Микробиологи	· Биологи · Математик	· Хими · Англи хэл

**ШИНЖЛЭХ УХААНЫ СУРГУУЛИЙН НИЙГМИЙН УХААНЫ САЛБАР**

25.	1. Антропологи	· Түүх	· Нийгэм судлал · Англи хэл
26.	2. Археологи	· Түүх · Математик	· Нийгэм судлал · Монгол хэл
27.	3. Хүн ам зүй	· Нийгэм судлал	· Түүх · Англи хэл
28.	4. Нийгмийн ажил**	· Нийгэм судлал · Англи хэл	· Монгол хэл · Математик
29.	5. Социологи	· Нийгэм судлал · Түүх	· Математик · Англи хэл
30.	6. Сэтгүүл зүй	· Монгол хэл · Нийгэм судлал	· Ур чадварын шалгалт
31.	7. Сэтгэл судлал**	· Нийгэм судлал · Математик	· Монгол хэл · Англи хэл
32.	8. Эдийн засаг	· Математик	· Нийгэм судлал · Англи хэл
33.	9. Олон нийтийн харилцаа, мэдээлэл	· Нийгэм судлал · Англи хэл	· Түүх · Монгол хэл

**ШИНЖЛЭХ УХААНЫ СУРГУУЛИЙН ХҮМҮҮНЛЭГИЙН УХААНЫ САЛБАР**

34.	1. Гадаад хэлний орчуулга (Англи)	· Англи хэл · Орос хэл	· Нийгэм судлал · Монгол хэл
35.	2. Гадаад хэлний орчуулга (Герман)	· Англи хэл · Орос хэл	· Нийгэм судлал · Монгол хэл
36.	3. Гадаад хэлний орчуулга (Орос)	· Англи хэл · Орос хэл	· Нийгэм судлал · Монгол хэл
37.	4. Гадаад хэлний орчуулга (Солонгос)	· Англи хэл · Орос хэл	· Нийгэм судлал · Монгол хэл
38.	5. Гадаад хэлний орчуулга (Турк)	· Англи хэл · Орос хэл	· Нийгэм судлал · Монгол хэл
39.	6. Гадаад хэлний орчуулга (Хятад)	· Англи хэл · Орос хэл	· Нийгэм судлал · Монгол хэл
40.	7. Гадаад хэлний орчуулга (Япон)	· Англи хэл · Орос хэл	· Нийгэм судлал · Монгол хэл
41.	8. Олон улс, орон судлал (Америк)	· Англи хэл · Орос хэл	· Нийгэм судлал · Түүх
42.	9. Олон улс, орон судлал (Испани)	· Англи хэл · Орос хэл	· Нийгэм судлал · Түүх
43.	10. Олон улс, орон судлал (Итали)	· Англи хэл · Орос хэл	· Нийгэм судлал · Түүх
44.	11. Олон улс, орон судлал (Их Британи)	· Англи хэл · Орос хэл	· Нийгэм судлал · Түүх
45.	12. Олон улс, орон судлал (Польш)	· Англи хэл · Орос хэл	· Нийгэм судлал · Түүх
46.	13. Олон улс, орон судлал (Солонгос)	· Англи хэл · Орос хэл	· Нийгэм судлал · Түүх
47.	14. Олон улс, орон судлал (Турк)	· Англи хэл · Орос хэл	· Нийгэм судлал · Түүх
48.	15. Олон улс, орон судлал (Франц)	· Англи хэл · Орос хэл	· Нийгэм судлал · Түүх

490

490

49.	16. Олон улс, орон судлал (Хятад)	· Англи хэл · Орос хэл	· Нийгэм судлал · Түүх
50.	17. Олон улс, орон судлал (Чех)	· Англи хэл · Орос хэл	· Нийгэм судлал · Түүх
51.	18. Олон улс, орон судлал (Япон)	· Англи хэл · Орос хэл	· Нийгэм судлал · Түүх
52.	19. Утга зохиол судлал	· Монгол хэл · Англи хэл	· Нийгэм судлал · Түүх <small>A13089 9104399 9094030427</small>
53.	20. Урлаг судлал	· Монгол хэл · Түүх	· Нийгэм судлал · Англи хэл
54.	21. Хэл, уран зохиол (Монгол)	· Монгол хэл	· Нийгэм судлал · Түүх
55.	22. Хэл шинжлэл (Монгол)	· Монгол хэл	· Нийгэм судлал · Түүх
56.	23. Хэл шинжлэл (Орос)	· Монгол хэл	· Нийгэм судлал · Түүх
57.	24. Хэл шинжлэл (Хятад)	· Монгол хэл	· Нийгэм судлал · Түүх
58.	25. Багш, гадаад хэлний боловсрол (Англи)	· Англи хэл · Орос хэл	· Ур чадварын шалгалт
59.	26. Багш, гадаад хэлний боловсрол (Орос)	· Англи хэл · Орос хэл	· Ур чадварын шалгалт
60.	27. Түүх	· Түүх · Нийгэм судлал	· Газарзүй · Монгол хэл
61.	28. Философи	· Нийгэм судлал · Математик	· Монгол хэл · Түүх
62.	29. Шашин судлал	· Түүх · Нийгэм судлал	· Монгол хэл
63.	30. Багш, монгол хэл, уран зохиолын боловсрол	· Монгол хэл	· Ур чадварын шалгалт
64.	31. Багш, нийгмийн ухааны боловсрол (Түүх)	· Нийгэм судлал · Түүх	· Ур чадварын шалгалт

**МЭДЭЭЛЛИЙН ТЕХНОЛОГИИ, ЭЛЕКТРОНИКИЙН СУРГУУЛЬ**

65.	1. Компьютерын ухаан*	· Математик · Физик	· Нийгэм судлал · Англи хэл
66.	2. Мэдээллийн технологи*	· Математик · Физик	· Нийгэм судлал · Англи хэл
67.	3. Программ хангамж**	· Математик · Физик	· Нийгэм судлал · Англи хэл
68.	4. Мультимедиа технологи	· Математик · Физик	· Нийгэм судлал · Англи хэл
69.	5. Мэдээллийн систем	· Математик · Физик	· Нийгэм судлал · Англи хэл
70.	6. Статистик*	· Математик · Физик	· Нийгэм судлал · Англи хэл
71.	7. Хэрэглээний математик	· Математик · Физик	· Нийгэм судлал · Англи хэл
72.	8. Электроникийн инженерчлэл*	· Математик · Физик	· Нийгэм судлал · Англи хэл
73.	9. Компьютерын сүлжээ	· Математик · Физик	· Нийгэм судлал · Англи хэл
74.	10. Холбооны технологи	· Математик	· Физик · Англи хэл
75.	11. Компьютерын инженерчлэл	· Математик	· Физик · Англи хэл

76.	12. Хиймэл оюун ухаан	· Математик · Физик	· Нийгэм судлал · Англи хэл	
<b>ИНЖЕНЕР, ТЕХНОЛОГИЙН СУРГУУЛЬ</b>				
77.	1. Сэргээгдэх эрчим хүч*	· Математик · Физик	· Нийгэм судлал · Англи хэл	
78.	2. Цөмийн инженерчлэл	· Математик · Физик	· Нийгэм судлал · Англи хэл	
79.	3. Био-инженерчлэл*	· Математик · Физик	· Хими ATA13089 9104399 · Англи хэл 9024080427	
80.	4. Материал судлал, инженерчлэл*	· Хими · Физик	· Математик · Англи хэл	
81.	5. Нано шинжлэх ухаан, инженерчлэл*	· Математик · Хими	· Физик · Англи хэл	
82.	6. Химийн инженерчлэл*	· Хими · Математик	· Физик · Англи хэл	
83.	7. Хүрээлэн буй орчны инженерчлэл*	· Математик · Хими	· Физик · Англи хэл	
84.	8. Химийн боловсруулалтын технологи	· Хими · Физик	· Математик · Англи хэл	
85.	9. Хүрээлэн буй орчин судлал	· Хими · Математик	· Биологи · Нийгэм судлал	
86.	10. Ойн аж ахуй**	· Хими · Биологи	· Математик · Нийгэм судлал	
87.	11. Ашигт малтмалын баяжуулалтын технологи*	· Хими · Физик	· Математик · Газар зүй	
<b>БИЗНЕСИЙН СУРГУУЛЬ</b>				
88.	1. Нягтлан бодох бүртгэл	· Математик	· Англи хэл · Нийгэм судлал	
89.	2. Санхүү, банк	· Математик	· Англи хэл · Нийгэм судлал	
90.	3. Даатгал	· Математик	· Англи хэл · Нийгэм судлал	
91.	4. Маркетинг	· Математик	· Нийгэм судлал · Англи хэл	
92.	5. Менежмент	· Математик	· Англи хэл · Нийгэм судлал	
93.	6. Худалдаа	· Нийгэм судлал	· Монгол хэл · Англи хэл	
94.	7. Зочлох үйлчилгээ	· Нийгэм судлал	· Монгол хэл · Түүх	
<b>ХУУЛЬ ЗҮЙН СУРГУУЛЬ</b>				
95.	1. Эрх зүй	· Нийгэм судлал	· Математик · Англи хэл	490
<b>УЛС ТӨР СУДЛАЛ, ОЛОН УЛСЫН ХАРИЛЦАА, НИЙТИЙН УДИРДЛАГЫН СУРГУУЛЬ</b>				
96.	1. Олон улсын харилцаа	· Англи хэл · Орос хэл	· Нийгэм судлал · Түүх	
97.	2. Нийтийн удирдлага	· Нийгэм судлал · Математик	· Англи хэл · Монгол хэл	
98.	3. Улс төр судлал	· Нийгэм судлал	· Түүх · Англи хэл	
<b>ЗАВХАН АЙМАГ ДАХЬ МУИС-ийн БИЗНЕС, МЭДЭЭЛЛИЙН ТЕХНОЛОГИЙН СУРГУУЛЬ</b>				
99.	1. Нягтлан бодох бүртгэл	· Математик	· Англи хэл · Нийгэм судлал	
100.	2. Санхүү, банк	· Математик	· Англи хэл · Нийгэм судлал	
101.	3. Маркетинг	· Математик	· Нийгэм судлал	

490

490

430

			· Англи хэл · Нийгэм судлал	
102.	4. Менежмент	· Математик	· Англи хэл · Нийгэм судлал	
<b>МУИС-ийн ЗҮҮН БУСИЙН СУРГУУЛЬ</b>				
103.	1. Гадаад хэлний орчуулга (Хятад)	· Англи хэл · Орос хэл	· Нийгэм судлал · Монгол хэл	
104.	2. Түүх	· Түүх · Нийгэм судлал	· Газарзүй · Монгол хэл	
105.	3. Нягтлан бодох бүртгэл	· Математик	· Англи хэл · Нийгэм судлал	
106.	4. Бизнесийн удирдлага	· Математик	· Англи хэл · Нийгэм судлал	
107.	5. Газрын тосны инженерчлэл*	· Математик · Физик	· Англи хэл · Нийгэм судлал	
108.	6. Цаг уур судлал	· Математик · Физик	· Газарзүй · Нийгэм судлал	
109.	7. Нийгмийн ажил**	· Нийгэм судлал · Англи хэл	· Монгол хэл · Математик	
110.	8. Аялал жуулчлал**	· Газар зүй · Математик	· Нийгэм судлал · Англи хэл	
111.	9. Сэтгэл судлал**	· Нийгэм судлал · Математик	· Монгол хэл · Англи хэл	
112.	10. Мэдээллийн технологи*	· Математик · Физик	· Нийгэм судлал · Англи хэл	
113.	11. Багш, дизайн зураг зүйн боловсрол	· Нийгэм судлал · Математик	· Ур чадварын шалгалт	
114.	12. Багш, биеийн тамирын боловсрол	· Монгол хэл · Нийгэм судлал	· Ур чадварын шалгалт	
115.	13. Багш, сургуулийн өмнөх боловсрол**	· Монгол хэл · Нийгэм судлал	· Ур чадварын шалгалт	
116.	14. Багш, хөгжмийн боловсрол**	· Монгол хэл · Нийгэм судлал	· Ур чадварын шалгалт	
117.	15. Багш, мэдээлэл зүйн боловсрол**	· Математик	· Ур чадварын шалгалт	
118.	16. Багш, математикийн боловсрол**	· Математик · Физик	· Ур чадварын шалгалт	
119.	17. Багш, физикийн боловсрол**	· Математик · Физик	· Ур чадварын шалгалт	
120.	18. Багш, монгол хэл, уран зохиолын боловсрол	· Монгол хэл	· Ур чадварын шалгалт	
121.	19. Багш, гадаад хэлний боловсрол (Англи)	· Англи хэл · Орос хэл	· Ур чадварын шалгалт	
122.	20. Багш, бага боловсрол**	· Монгол хэл · Математик	· Ур чадварын шалгалт	
<b>МУИС-ийн БАРУУН БУСИЙН СУРГУУЛЬ</b>				
123.	1. Нягтлан бодох бүртгэл	· Математик	· Англи хэл · Нийгэм судлал	
124.	2. Санхүү, банк	· Математик	· Англи хэл · Нийгэм судлал	
125.	3. Эрх зүй	· Нийгэм судлал	· Математик · Англи хэл	
126.	4. Программ хангамж**	· Математик · Физик	· Нийгэм судлал · Англи хэл	
127.	5. Барилгын инженерчлэл	· Математик · Физик	· Нийгэм судлал · Англи хэл	
128.	6. Цахилгааны инженерчлэл	· Математик	· Нийгэм судлал	

430

		· Физик	· Англи хэл	430 ATA 13069 9104899 80427 "ХАМТАРСАН" "ХАМТАРСАН"
129.	7. Уул уурхайн ашиглалтын технологи*	· Математик · Физик	· Англи хэл · Газар зүй	
130.	8. Геологи	· Математик · Физик	· Газарзүй · Англи хэл	
131.	9. Газар зохион байгуулалт	· Математик · Газар зүй	· Англи хэл · Физик	
132.	10. Химийн боловсруулалтын технологи	· Хими · Физик	· Математик · Англи хэл	
133.	11. Аялал жуулчлал**	· Газар зүй · Математик	· Нийгэм судлал · Англи хэл	
134.	12. Гадаад хэлний орчуулга (Хятад)	· Англи хэл · Орос хэл	· Нийгэм судлал · Монгол хэл	
135.	13. Нийгмийн ажил**	· Нийгэм судлал · Англи хэл	· Монгол хэл · Математик	
136.	14. Нийгмийн эрүүл мэнд	· Биологи · Англи хэл	· Хими · Нийгэм судлал	
137.	15. Сэтгэл судлал**	· Нийгэм судлал · Математик	· Монгол хэл · Англи хэл	
138.	16. Экологи	· Биологи · Математик	· Хими · Нийгэм судлал	
139.	17. Багш, дизайн технологийн боловсрол	· Нийгэм судлал · Математик	· Ур чадварын шалгалт	
140.	18. Багш, биений тамирын боловсрол	· Монгол хэл · Нийгэм судлал	· Ур чадварын шалгалт	
141.	19. Багш, сургуулийн өмнөх боловсрол**	· Монгол хэл · Нийгэм судлал	· Ур чадварын шалгалт	
142.	20. Багш, хөгжмийн боловсрол**	· Монгол хэл · Нийгэм судлал	· Ур чадварын шалгалт	
143.	21. Багш, бага боловсрол**	· Монгол хэл · Математик	· Ур чадварын шалгалт	
144.	22. Багш, мэдээлэл зүйн боловсрол**	· Математик	· Ур чадварын шалгалт	
145.	23. Багш, математикийн боловсрол**	· Математик · Физик	· Ур чадварын шалгалт	
146.	24. Багш, физикийн боловсрол**	· Физик · Математик	· Ур чадварын шалгалт	
147.	25. Багш, биологийн боловсрол**	· Биологи · Хими	· Ур чадварын шалгалт	
148.	26. Багш, гадаад хэлний боловсрол (Англи)	· Англи хэл · Орос хэл	· Ур чадварын шалгалт	
149.	27. Багш, гадаад хэлний боловсрол (Орос)	· Англи хэл · Орос хэл	· Ур чадварын шалгалт	
150.	28. Багш, монгол хэл, уран зохиолын боловсрол	· Монгол хэл	· Ур чадварын шалгалт	
151.	29. Багш, нийгмийн ухааны боловсрол	· Нийгэм судлал · Түүх	· Ур чадварын шалгалт	
152.	30. Багш, химийн боловсрол**	· Хими · Математик	· Ур чадварын шалгалт	

**БҮРЭЛДЭХҮҮН/САЛБАР СУРГУУЛИЙН ХАМТАРСАН ХӨТӨЛБӨРҮҮД**

**ЗАВХАН АЙМАГ ДАХЬ МУИС-ийн БИЗНЕС, МЭДЭЭЛЛИЙН ТЕХНОЛОГИЙН СУРГУУЛЬ болон  
БИЗНЕСИЙН СУРГУУЛИЙН ХАМТАРСАН 1+3 хөтөлбөр**

153.	1. Нягтлан бодох бүртгэл	· Математик	· Англи хэл, · Нийгэм судлал	490
154.	2. Санхүү, Банк	· Математик	· Англи хэл · Нийгэм судлал	

155.	3. Даатгал	· Математик	· Англи хэл, · Нийгэм судлал	
156.	4. Маркетинг	· Математик	· Англи хэл, · Нийгэм судлал	
157.	5. Менежмент	· Математик	· Англи хэл, · Нийгэм судлал	
158.	6. Худалдаа	· Нийгэм судлал	· Монгол хэл · Англи хэл	
159.	7. Зочлох үйлчилгээ	· Нийгэм судлал	· Монгол хэл · Түүх	ATA13092 210420 9024080427
ЗАВХАН АЙМАГ ДАХЬ МУИС-ийн БИЗНЕС, МЭДЭЭЛЛИЙН ТЕХНОЛОГИЙН СУРГУУЛЬ болон УЛС ТӨР СУДЛАЛ, ОЛОН УЛСЫН ХАРИЛЦАА, НИЙТИЙН УДИРДЛАГЫН СУРГУУЛИЙН ХАМТАРСАН 1+3 хөтөлбөр**				
160.	1. Нийтийн удирдлага	· Нийгэм судлал · Математик	· Англи хэл · Монгол хэл	490
ЗАВХАН АЙМАГ ДАХЬ МУИС-ийн БИЗНЕС, МЭДЭЭЛЛИЙН ТЕХНОЛОГИЙН СУРГУУЛЬ болон МЭДЭЭЛЛИЙН ТЕХНОЛОГИ, ЭЛЕКТРОНИКИЙН СУРГУУЛИЙН ХАМТАРСАН 1+3 хөтөлбөр*				
161.	1. Программ хангамж**	· Математик, Физик	· Нийгэм судлал, Англи хэл	490
162.	2. Мэдээллийн технологи*	· Математик, Физик	· Нийгэм судлал, Англи хэл	
163.	3. Компьютерын ухаан*	· Математик, Физик	· Нийгэм судлал, Англи хэл	
164.	4. Мэдээллийн систем	· Математик, Физик	· Нийгэм судлал, Англи хэл	
165.	5. Статистик*	· Математик, Физик	· Нийгэм судлал, Англи хэл	
166.	6. Электроникийн инженерчлэл*	· Математик, Физик	· Нийгэм судлал, Англи хэл	
167.	7. Компьютерийн сүлжээ	· Математик, Физик	· Нийгэм судлал, Англи хэл	
168.	8. Холбооны технологи	· Математик	· Физик, Англи хэл	
ЗАВХАН АЙМАГ ДАХЬ МУИС-ийн БИЗНЕС, МЭДЭЭЛЛИЙН ТЕХНОЛОГИЙН СУРГУУЛЬ болон ИНЖЕНЕР ТЕХНОЛОГИЙН СУРГУУЛИЙН ХАМТАРСАН 1+3 хөтөлбөр*				
169.	1. Хүрээлэн буй орчин судлал	· Хими · Математик	· Биологи · Нийгэм судлал	490
170.	2. Ойн аж ахуй**/**	· Хими · Биологи	· Математик · Нийгэм судлал	
МУИС-ийн ЗҮҮН БҮСИЙН СУРГУУЛЬ болон ИНЖЕНЕР, ТЕХНОЛОГИЙН СУРГУУЛЬТАЙ ХАМТАРСАН 2+2 хөтөлбөр				
171.	1. Ашигт малтмалын баяжуулалтын технологи*	· Хими · Физик	· Математик · Газарзүй	490
МУИС-ийн ЗҮҮН БҮСИЙН СУРГУУЛЬ болон ШИНЖЛЭХ УХААНЫ СУРГУУЛИЙН 2+2 ХАМТАРСАН хөтөлбөр				
172.	1. Сэтгэл судлал**	· Нийгэм судлал · Математик	· Монгол хэл · Англи хэл	490
МУИС-ийн ЗҮҮН БҮСИЙН СУРГУУЛЬ болон ШУТИС-тай ХАМТАРСАН 2+2 хөтөлбөр				
173.	Дулааны цахилгаан станцын инженерчлэл	· Математик · Физик	· Нийгэм судлал · Англи хэл	490

\* Дээд боловсролын тэргүүлэх мэргэжлийн чиглэл

\*\* Дээд боловсролын эрэлттэй мэргэжлийн чиглэл

## Олон улс, улсын олимпиадын нөхцөлөөр элсүүлэх жагсаалт

№	Бүрэлдэхүүн сургууль/салбар	Олимпиадын чиглэл нь ("Суурь" шалгалтад заагдсан хичээл байна)	Элсүүлэх нөхцөл
1.	Шинжлэх ухааны сургуулийн Байгалийн ухааны салбарын хөтөлбөрүүд	<ul style="list-style-type: none"> <li>• Биологи</li> <li>• Газарзүй</li> <li>• Математик</li> <li>• Физик</li> <li>• Хими</li> </ul>	<p style="text-align: right;">АТА13089 9104399 9024080427</p> <p>Оролцогч</p>
2.	Шинжлэх ухааны сургуулийн Нийгмийн ухааны салбарын хөтөлбөрүүд	<ul style="list-style-type: none"> <li>• Математик</li> <li>• Нийгэм судлал</li> <li>• Түүх</li> <li>• Англи хэл</li> </ul>	1-ээс 3-р байр
3.	Шинжлэх ухааны сургуулийн Хүмүүнлэгийн ухааны салбарын хөтөлбөрүүд	<ul style="list-style-type: none"> <li>• Англи хэл</li> <li>• Монгол хэл</li> <li>• Орос хэл</li> <li>• Түүх</li> <li>• Математик</li> <li>• Нийгэм судлал</li> </ul>	Оролцогч
4.	Мэдээллийн технологи, электроникийн сургуулийн хөтөлбөрүүд	<ul style="list-style-type: none"> <li>• Математик</li> <li>• Физик</li> <li>• Мэдээлэл зүй</li> </ul>	1-ээс 3-р байр
5.	Инженер, технологийн сургуулийн хөтөлбөрүүд	<ul style="list-style-type: none"> <li>• Биологи</li> <li>• Газарзүй</li> <li>• Математик</li> <li>• Физик</li> <li>• Хими</li> </ul>	Оролцогч
6.	Бизнесийн сургуулийн хөтөлбөрүүд	<ul style="list-style-type: none"> <li>• Математик</li> </ul>	1-ээс 3-р байр
7.	Улс төр судлал, олон улсын харилцаа, нийтийн удирдлагын сургуулийн хөтөлбөрүүд	<ul style="list-style-type: none"> <li>• Англи хэл</li> <li>• Орос хэл</li> <li>• Математик</li> <li>• Нийгэм судлал</li> </ul>	1-ээс 3-р байр
8.	Хууль зүйн сургуулийн хөтөлбөрүүд	<ul style="list-style-type: none"> <li>• Нийгэм судлал</li> </ul>	1-ээс 3-р байр
9.	Завхан аймаг дахь МУИС-ийн бизнес, мэдээллийн технологийн сургуулийн хөтөлбөрүүд	<ul style="list-style-type: none"> <li>• Математик</li> <li>• Нийгэм судлал</li> <li>• Физик</li> <li>• Хими</li> <li>• Газарзүй</li> </ul>	Оролцогч
10.	МУИС-ийн зүүн бүсийн сургуулийн хөтөлбөрүүд	<ul style="list-style-type: none"> <li>• Англи хэл</li> <li>• Орос хэл</li> <li>• Математик</li> <li>• Монгол хэл</li> <li>• Нийгэм судлал</li> <li>• Физик</li> </ul>	Оролцогч
11.	МУИС-ийн баруун бүсийн сургуулийн хөтөлбөрүүд	<ul style="list-style-type: none"> <li>• Англи хэл</li> <li>• Математик</li> <li>• Монгол хэл</li> <li>• Нийгэм судлал</li> <li>• Физик</li> <li>• Хими</li> </ul>	Оролцогч



## УР ЧАДВАРЫН ШАЛГАЛТЫН УДИРДАМЖ

Нэг. Зорилго

БШУ-ны сайдын 2024 оны 03 дугаар сарын 20-ны А/143 тоот тушаалаар баталсан “Оюутан элсүүлэх журам”-ын 3.2.3-3.2.6 дахь заалт, Боловсролын сайдын 2024 оны 12 дугаар сарын 05-ны өдрийн “Босго оноо тогтоох тухай” А/228 дугаар тушаалыг үндэслэж, “Монгол Улсын Их Сургуулийн бакалаврын өдрийн хөтөлбөрт 2025-2026 оны хичээлийн жилийн намрын улиралд оюутан элсүүлэх журам”-ын Хүснэгт 1-д заасан ур чадварын шалгалттай хөтөлбөрт элсэх хүсэлт гаргасан бүртгүүлэгчээс ур чадварын шалгалт авах, ур чадварын шалгалт зохион байгуулагчдыг мэдээллээр хангах, үйл ажиллагааг чиглүүлэхэд оршино.

Хоёр. Хамрах хүрээ

МУИС-ийн элсэлтийн бүртгэлд Ур чадварын шалгалт шаардсан хөтөлбөрт бүртгүүлсэн бүрэн дунд боловсролтой иргэн хамрагдана.

Гурав. Шалгалтын комисс, түүний үүрэг

Ур чадварын шалгалтын комиссыг бүрэлдэхүүн/салбар сургуулийн захирлын тушаалаар томилно. Комисс нь ур чадварын шалгалтыг бүрэн хариуцаж зохион байгуулна. Ур чадварын шалгалтын комисс холбогдох мэргэжлийн тэнхимийн 3-аас дээш жил ажиллаж байгаа багш нараас бүрдэнэ. Ур чадварын шалгалтыг томилогдсон комисс бүрэн бүрэлдэхүүнтэй байж авна.

Ур чадварын шалгалтын комисс нь анхны оноог хэмжээст оноо руу тооцоолж шалгалтын дүнг элсэлтийн комисс болон Цахим шилжилтийн газарт хүргүүлнэ.

Дөрөв. Хугацаа, байршил

ШУС-ийн багш бэлтгэх хөтөлбөрүүдийн ур чадварын шалгалтыг 2025 оны 06 дугаар сарын 23-ны өдрийн 15:00 цагт, НУС-ын “Сэтгүүл зүй” хөтөлбөрийн ур чадварын шалгалтыг 2025 оны 06 дугаар сарын 23-ны өдрийн 16:30 цагаас цахимаар авна. Ур чадварын шалгалтын мэдээллийг элсэлтийн системд бүртгэгдсэн цахим шуудан, холбоо барих дугаараар хүргэнэ. Орон нутгийн салбар сургуулийн ур чадварын шалгалтын товыг тухайн салбар сургууль гаргана.

Орон нутаг дахь салбар сургуулийн ур чадварын шалгалтыг тухайн сургууль дээр зохион байгуулна. Орон нутаг дахь салбар сургуулиуд ур чадварын шалгалт авах нэмэлт удирдамж гаргаж болно.

Тав. Шалгалтын төрөл, хэлбэр

Ур чадварын шалгалтыг элсэн суралцах хөтөлбөрийн онцлогтой уялдуулан бичгийн ажил, тест, ярилцлага, кейс ажиллуулах, зөвлөн ур чадвар, хүүхэдтэй ажиллах ур чадвар, хандлага, төлөвшил (хүүхэдтэй ажиллах, тэднийг хайрлах, ойлгох мэдрэмж, харилцах эв дүй)-ийг тогтоох тест, багш болох сонирхол, натюрморт зурах, сэдэвт зохиомж зурах, дуулах, бүжиглэх, хөгжимдөх, жүжиглэх,

эсээ бичих, видео танилцуулга, сонсгол, хэмнэл шалгах, сэтгэц зан үйлийн байдал, бие бялдрын бэлтгэгдсэн байдал, асуумж зэрэг хэлбэрээр авч, шалгуулагчийн ур чадварыг үнэлнэ.

Ур чадварын шалгалт авахдаа тухайн сургууль тодорхой бэлтгэлийг хангаж, шалгалт өгөх иргэнд шаардлагатай мэдээллийг урьдчилан хүргэж ажиллана. Шалгуулагч нь биеийн байцаалт болон шалгалт өгөхтэй холбоотойгоор өөрийгөө бэлдэнэ.

ATA13089 9104399  
9024080427

### Зургаа. Шалгалтын зохион байгуулалт

- Хоёр хэсгээс бүрдэх шалгалтад бүртгүүлсэн элсэгчийн тооноос хамаарч тест авах болон бодит материал бэлтгэх, ангиудад хуваарилах, хуваарилсан өрөөнд элсэгчдийг шифрлэх ажлыг шалгалтын комисс зохион байгуулна.
- Ур чадварын шалгалт авахдаа хөндлөнгийн хянагч шалгалтын үеэр байлцуулж болно.
- Шалгалтын материалыг шалгалтын комисс урьдчилан боловсруулж, шифрлэж, олшуулан, тусгай хавтсанд битүүмжилсэн байна.
- Шалгалтын материал задарсан, битүүмж алдагдсан тохиолдолд тухайн шалгалтыг зохион байгуулж байгаа комисс хариуцлага хүлээнэ.
- Ур чадварын шалгалт авч шаардлага хангасан элсэгчийг элсүүлнэ.
- Ур чадварын шалгалтын хэмжээст оноог дагалдах шалгалтын оноогоор тооцно. Оноог тус журмын 5.5-д заасан аргачлалаар тооцоолно.

\*\*\*